

REGLAMENT DEU TREMPOLIN SAUTS BEARNÉS 2020

Art. 1 : Organizador e objècte

L'associacion Menestrèrs Gascons, dont lo sièti social ei au 46 baloard Alsace-Lorraine, 64000 Pau, e l'associacion Ça-i, dont lo sièti social ei Zòna Poey 117, 2 carrèra principau, 64230 Poei de Lescar, dab lo sostien deu Departament deus Pirenèus-Atlantics, qu'organizan un concors d'interpretacion musicau taus escolans de las escòlas de musica deu 64 e deus departaments limitròfes.

Aqueth concors qu'a per objectiu d'incitar los escolans a s'apropriar los Sauts bearnés, qui hèn partida deu repertòri tradicionau deu departament, e de har lo ligam enter l'aprentissatge de la musica e un eventuai futur investment dens un grop de musica perenne. Que'us permet de sortir deu quadre de l'aprentissatge e de l'execucion en solò tà anar de cap tau de la prestacion publica, dab las exigéncias qu'acquò e demanda.

L'anòncia deus laurejats que's harà pendent la Sautejada, eveniment organizat peus Menestrèrs Gascons e Ça-i lo 28 de noveme de 2020.

Art. 2 : Condicions de participacion

2.1. Aqueth concors qu'ei obèrt a tot grop compausat d'escolans d'ua escòla de musica deus departaments deus Pirenèus Atlantics, de las Lanas, deu Gèrs o de las Hautas-Pirenèas, quau que sia l'estetica musicau estudiada. Qu'ei tanben obèrt aus escolans deus talhèrs de musica deus Menestrèrs Gascons.

2.2. Aqueth concors qu'a per prètzhèit d'ajudar los escolans a entrar en lo monde de la musica en public. Nat participant non deu pas dejà estar sòci d'un grop de musica professionau (dont aumensh un deus sòcis ei intermitent) o d'un grop de musica qui a dejà editat un CD fisic, ni ensenhar la musica de faïçon professionau.

2.3. Los grups formats peus escolans tà concórrer que pòden aver enter ua e quate personas.

2.4. Ne pòden pas concórrer las personas qui an participat a elaborar lo concors e los sòcis deus CA de las associacions Menestrèrs Gascons e Ça-i.

2.5. Lo concors qu'ei limitat a ua sola participacion per grop (duas formacions compausadas exactament de las medishas personas que son consideradas com un medish grop).

2.6. La participacion au concors qu'implica l'acceptacion d'aqueste reglament. Si un candidat ne respècta pas las condicions de participacion indicadas dens aqueste reglament, la soa candidatura que serà considerada coma nulla.

Art. 3 : Modalitats de participacion

3.1. Los grups participants que deven interpretar un Saut bearnés causit dens la lista seguenta :

- 7 Sauts
- Los Causerès

- Charmantina
- La Craba
- Dança deu veire
- Dus
- Gavòta
- Laborg
- Mariana
- Madisaut
- Matelòta
- Mochico
- Monenh
- Pantelon
- Peiroton
- Petit anhèth
- La Piga

Las particions d'aqueths tròç que's pòden trobar a l'adreça <http://www.menestrersgascons.com/ressources>.

3.2. Los participants que deven enviar ua vidèo deu lor tròç per corric, dab acusat de recepcion, a l'adreça associacion@menestrersgascons.com au mei tard lo dimenge 15 de noveme.

Las vidèos que seràn difusadas pendent la Sautejada numerica lo dissabte 28 de noveme, sia suu flux en dirècte, sia suu site de l'eveniment.

Los organizators que's resèrvan lo dret de trobar ua auta modalitat de difusion si la situacion ac demanda.

3.3. Los participants que deveràn acompanhar la lor vidèo de las informacions seguentas :

- Nom (quitament provisòri) deu grop
- Nom deus sòcis deu grop
- Nom deu Saut bearnés causit
- Informacions de contacte (corric, numèro de telefòne)
- Taus participants menors, autorizacion deus pairs de participar au concors
- Formulari de dret a l'imatge (en annèxe d'aqueste reglament)
- Si los arrencaments interpretats e son depausats a la SACEM, identificant SACEM deu tròç

Art. 4 : Seleccion deus ganhants

4.1. Ua jurada compausada de musiciens tradicionaus que seleccionarà los ganhants en foncion deus critèris següents :

- Dançabilitat deu tròç
- Qualitat de l'interpretacion
- Qualitat deus arrencaments

Quan la qualitat tecnica de la vidèo ne seré pas un critèri de seleccion, que cau que sia pro bona entà non pas genar l'escota deu tròç enregistrat. Los organizators que's resèrvan lo dret de non pas difusar ua vidèo dont la qualitat tecnica e'n seré pas sufisenta.

Menestrèrs Gascons qu'ei a la disposicion deus candidats qui aurèn besonh d'informacions sus la faïçon de dançar los Sauts bearnés e de'us jogar tà dançaires.

Art. 5 : Prèmi

5.1. Lo grop laurejat deu prumèr prèmi que ganharà un dia d'enregistrament e de mesclatge dens l'estúdio Carlamusa de l'associacion Menestrèrs Gascons, en companhia d'un tecnician. Aqueth dia que serà fixat a la convenença deus laurejats, a condicion que los locaux e lo tecnician e sian disponibles.

5.2. Lo grop laurejat deu segond prèmi que ganharà un exemplar deus CD « Sauts Biarnés de l'arribèra » e « Sautejada » tà cadun deus sons sòcis.

Art. 6 : Dadas personaus

En conformitat dab la lei « Informatique et Libertés » deu 6 de genèr de 1978, cada candidat que dispausa d'un dret d'accès, de rectificacion e de supression de las donadas que'u pertòcan. Que pòt exercir aqueth dret en enviant un corric a associacion@menestrersgascons.com.

Autorisation de droit à l'image et/ou la voix pour un-e mineur-e

Menestrès Gascons, 46 bd Alsace-Lorraine, 64000 Pau

Objet : Autorisation de filmer et publier des images/voix d'un-e mineur-e

Je, soussignée, (nom du parent/tuteur légal)

Nom : Prénom :

Adresse :

Code postal : Ville :

Pays : Tél :

email :

Autorise, à titre gratuit, Menestrès Gascons

- à diffuser la vidéo de (nom et prénom) réalisée dans le cadre du Tremplin Sauts béarnais 2020
- à effectuer un montage, reproduire et diffuser ces images/enregistrements lors de projections à but non lucratif.
- à publier ces images/voix sur le web
- à les graver sur DVD

Je peux me rétracter à tout moment, sur simple demande écrite à associacion@menestrersgascons.com.

Je m'engage à ne pas tenir responsable la personne ou structure précitée ainsi que ses représentantes et toute personne agissant avec sa permission pour ce qui relève de la possibilité d'un changement de cadrage, de couleur et de densité qui pourrait survenir lors de la reproduction.

Ce contrat est reconduit de manière tacite chaque année. La présente autorisation est personnelle et incessible et ne s'applique qu'aux supports explicitement mentionnés.

Je déclare avoir 18 ans ou plus et être compétente à signer ce formulaire en mon propre nom. J'ai lu et compris toutes les implications de cette autorisation.

Fait à :

Le :

Signature :